

Relaciona cu situacion financiero di Gobierno:

Ken ta papia berdad y ken ta gaña

ORANJESTAD(AAN) Pueblo di Aruba no sa mas ken pa kere pasobra no ta pasa un dia, cu politiconan tras di otro ta sinta tira culpa riba otro pa cu mal maneho financiero.

Tempo cu e gobierno nobo a sinta, a ser bisa cu no lo bay tuma extra hende den servicio y tur hende cu a drenta hunto cu gobierno manera por ehempel coordinadonan, lo bay hunto cu gobierno ora cu gobierno mester bay.

Un gobernacion transparente a ser priminti y tambe a ser bisa cu voz halto cu mientras cu e gobierno AVP / OLA, cual ta e gobierno legitimo elegi pa pueblo di Aruba ta na mando, ningun hende lo ser extradita si no tin igualdad den ley di extradicion.

E situacion financiero segun e gobierno di señor Eman

**Mayan Corte
lo trata caso
penal contra
otro guardia
di KIA**

ORANJESTAD(AAN) -- Ademas di e guardianan Franken, Quant y Anthony, tin un otro guardia kende tambe mester presenta dilanti Juez pa duna cuenta pa e delito cu el a comete.

Ta trata aki di e homber M.Kock, kende ta ser acusa di un serie di irregularidad entre otro di lo a yuda un preso huy, pasa droga den KIA y a acepta placa pa esaki.

Dia 23 di Januari 1998 a cuminsa cu tratamiento di su caso pero debi cu Fiscal a bin cu cambio den e citacion, e abogado mr. Gravenstijn y mr. Kok a pidi pa pospone tratamento di e caso pasobra e cambio di Fiscal a haci den e citacion ta implica Kock di un otro delito y nan no a prepara nan mes pa esaki. Nan a pidi tambe pa laga scucha testigo riba e parti especifico cu Fiscal a cambia.

Fiscal a expresa cu si Juez pospone e caso e ta oponer pa scucha testimonio. Juez a pospone tratamento di e caso pa mayan 13 di Februari 8.30 di mainta.

Den nos edicion di diasabra DIARIO lo bin cu un articulo amplio encuanto e caso aki.

tabata uno mihor cu cualkier pais den e region y te hasta a ser bisa cu Hulanda mester tene cuidao cu den futuro cos por boltea cu na lugar cu Hulanda ta manda placa pa Aruba, ta Aruba lo manda placa di ayudo pa Hulanda.

No ta ministro Tico Croes mester a bay recientemente Hulanda pa bay pidi placa pa Air Aruba?

Proyectonan grandi tabata tin riba mesa y supuestamente campanianan grandi miyonario lo a ser lanza pa aumenta e cantidad di turista cu ta bin Aruba.

One Cool Summer, Quality Foundation, Sinbad etc etc tabata proyectonan cu mester a drecha e situacion di turismo na Aruba, cu MEP, segun AVP a laga atras den un caos total.

E situacion financiero tempo cu e ultimo gobierno a bin na mando no tabata dje malo ey y na un dado momento Ministro Engelbrecht tabata gaba cu nan si por a entrega un presupuesto na tempo.

Tur esakinan tabata promesanan y palabranan masha

bunita.

Pa culmina e obra magistral ministro Manchi Engelbrecht a presenta un supuesto presupuesto balansa.

Segun e ministro di finanzas, Aruba tabata e prome partner den Reino cu por a yega di presenta un presupuesto balansa.

Pueblo di Aruba por tabata orguyoso di esaki manera cu Engelbrecht tabata trece esaki pa dilanti.

Realidad di bida ta muestra segun informacionnan di Banco Central y otro departamentonan di gobierno, cu e situacion financiero di gobierno di Aruba no ta cos di canta macamba.

No tin placa pa polisnan cumpra tire di auto, rol di film, no tin negoshi mas cu ta acepta bon di cuminda di gobierno.

Gobierno debe comercio miyones y te hasta algun botica mester a muestra un acto di buena voluntad pa cu pueblo door di sigui duna remedi siendo cu gobierno no tin placa pa paga boticanan.

Lider di oposicion señor Nelson Oduber ta bisa cu e

caha ta bashi y e ta basa su mes riba documentonan cu e tabata tin caba y loke aparentemente durante ultimo simannan el a haya di Henny.

Pueblo mester bin tende cu gobierno mester bay fia por lo menos 65 miyon dollar riba mercado financiero internacional pasobra na Aruba nan no tin lugar mas pa bay bati riba porta pa haya placa fia.

Pacientnan cu ta wardando riba resultado di testnan medico pa mas cu 4 luna caba, no por ser yuda pasobra no tin placa pa paga laboratorionan den exterior.

No tin placa pa paga hospitalnan den exterior y asina por sigui menciona un rij largo di companianan, instancianan y organisacionnan cu no por ser paga pasobra no tin placa den caha di gobierno.

Number di auto mester worde paga den pura pasobra gobierno mester di placa y departamento di belasting ta core saca un comunicado fofu pa asina defende e aumento di number di Auto.

Keuring di auto a bira mas caro. Belasting riba tereno a subi.

Beslag riba cas, propiedad di famianan na Aruba ta bay skeiro den tur bario pasobra gobierno mester di placa.

Henny a bisa recientemente cu ta Nel ta e unico cu ta bisa cu no tin placa.

Awor ta ken ta gaña; Banco Central, otro departamentonan di gobierno manera Polis, Ambulans, Serlimar, DOW, Salubridad Publico etc etc, nan tur ta gaña cu no tin placa?

Trahadonan di Setar no por ni haya uniform pasobra no tin placa y nan tur tambe ta gaña?

Nel cu a haya tur sorto di documento tambe ta gaña?

Si Nel y MEP su hendenan tur ta gaña cu e situacion financiero ta malo anto no ta bale la pena pa AVP bay sinta goberna cu MEP pasobra ningun hende drechi ta bay sinta goberna cu hendenan cu ta gaña.

Si Henny ta bisa cu no ta asina cu no tin placa anto awe e mester bisa pueblo cuanto placa tin den caha di gobierno y riba ki dia comercio por pasa busca placa cu gobierno debe na comercio.

